

Pelaburan: Mahathir ketuai lagi missi ke Eropah

Bahan asal dari Agensi
Negara Malaysia

KUALA LUMPUR, Khamis — Timbalan Perdana Menteri, Datuk Seri Dr. Mahathir Mohamed akan mengatual satu lagi rombongan ke Switzerland, Sweden dan Belanda mulai 9 hingga 20 Oktober untuk menarik pelaburan ke Malaysia.

Bernama difahamkan, seramai 57 orang wakil dari agensi-agensi Persekutuan dan Negeri serta sektor swasta setakat ini telah menyatakan minat untuk menyertai rombongan pengalakkan pelaburan itu.

Rombongan tersebut akan melawat Zurich, Stockholm dan Amsterdam.

Anggota rombongan anjuran MIDA itu termasuk Datuk Jamil Jan sebagai timbalan ketua rombongan, Menteri Besar Kedah, Datuk Seri Syed Nahar Shahabuddin, pegawai-pegawai kanan MIDA dan Kementerian Perdagangan dan Perindustrian, Kewangan serta Buruh dan Tenaga Rakyat.

Agensi-agensi Persekutuan yang menyertai rombongan itu ialah dari MARA, RISDA, LUTH sementara agensi-agensi Kerajaan Negeri termasuk Perbadanan Kemajuan Ekonomi Negeri-negeri Johor, Kelantan, Negeri Sembilan dan Kedah, KETENGAH, KEJORA dan Lembaga Padi Sabah.

Seperti rombongan yang terdahulu, rombongan itu juga berharap dapat menubuhkan hubungan terus dengan para pengusaha dan pelabur di Switzerland, Sweden dan Belanda dengan harapan mereka akan dapat menimbangkan untuk melabur di negara ini.

Rombongan itu juga akan memberi peluang kepada para pengusaha dan pelabur di ketiga-tiga buah negara tersebut untuk mendapatkan penjelasan tentang berbagai aspek mengenai dasar dasar pelaburan asing Kerajaan Malaysia.

Satu seminar pelaburan umum dirancangan, masing-masing di Zurich, Stockholm dan Amsterdam anjuran bersama MIDA dengan Swiss Bank Corporation, Scandinaviska Enskilda Banken dan Algamene Bank Nederland.

Datuk Seri Dr. Mahathir akan memberi ucapan dasar mengenai "Pembangunan Ekonomi di Malaysia" dan "Dasar Terhadap Pelaburan Asing".

Datuk Jami Jan pula akan berucap mengenai "Pembangunan Industri di Malaysia dan peluang-peluang serta kemudahan bagi pelaburan" di ketiga-tiga seminar itu.